

Namminersorlutik Oqartussat
Aatsitassanut Ikummatissanullu Pisortaqarfik
bmp@nanoq.gl

Att. Frederik Lyngø

TGS-NOPEC-ip akuersissuteqarfimmi 2009/14, Kalaallit Nunaata avannaani aamma 2012/41, Kalaallit Nunaata kangiani 2D-nik sajupillatsitsisarlu paasissutissanik aamma immap naqqanit misissugassanik katersinissanut qinnuteqaata tusarniaassutigineqarneranut akissuteqaat.

TGS-NOPEC-ip Kalaallit Nunaata avannaani kangianilu misissuiniarneranut tusarniaanermi pappilissat kommunit ataatsimoorlutik aatsitassanut gruppiata misissorsimavaat.

Qinnuteqaammi allassimavoq umiarsuarmi miluumasunik imarmiunik nakkutilliisut (MMO) marluinnaassasut. Taamaannerata ulloq unnuarlu sillimasoqarnissaanik ajornakusoortissavaa. Suliniutini assingusuni umiarsuarmut nakkutilliisut sisamaagajupput.

Kommunit aamma maluginiarneqarpoq nakkutilliinermi paasisat pingaaruteqartut atorineqarnissaannut tunngatillugu Pinngortitaleriffiup suleqatigineqarneranik allassimasoqanngimmat. Paasisat Pinngortitaleriffimmit atorineqarsinnaassagaluarput.

Sumiiffimmi qinnuteqarfigineqartumi aalisakkat suffisarfiinik pingaarutilinnik soqannginnera pappilissani allassimavoq. Paasissutissat kommunit pigineqartut naapertorlugit tamanna ilumuunngilaq, Kalaallit Nunaata kangiani saarullit sumiiffimmi suffisarmata. Takussutissaq 1 takuuk.

Sumiiffik sajupillatsitsisarnernut malussarissinnaavoq, ajoqusiinnginnissamullu qanoq iliuuseqartoqarsinnaanera eqqarsaatigineqartariaqarluni.

Ilanngullugu "tekniskiuunngitsumik imaqarniliaq" qallunaatuunngortinneqarnerani oqaaseqatigiit ilaat paasinanngillat paatsoorneqarsinnaallutillu. Imaarniliap kalaallisua aamma taamaannersoq paasiniassallugu innersuukkusunnarpoq.

Assersuutigalugu qulequtaq "Menneskelig aktivitet of Områdeøkologien" eqqaaneqarsinnaavoq.

Inussiarnersumik inuulluaqqusillunga
Kommunit ataatsimoorlutik aatsitassanut gruppia sinnerlugu

Zenica Gosvig Larsen
Immikkut siunnersorti

